

諸子集成

莊子集解
莊子集釋
列子注

岳麓書社

PDG

諸子集成

蔡元培題

④

莊子集解
莊子集釋
列子注

岳麓書社

諸子集成

蔡元培題

PDG

庄
子
集
解

清
王先谦
注



序

夫古之作者，岂必依林草，群鸟鱼哉！余观庄生甘曳尾之辱，却为牺之聘，可谓尘埃富贵者也。然而贷粟有谓，内交於监河；系履而行，通谒於梁魏。说剑赵王之殿，意犹存乎救世，遭惠施三日大索，其心迹不能见谅於同声之友，况馀子乎！吾以是知庄生非果能回避以全其道者也。且其说曰：天下有道，圣人成焉；天下无道，圣人生焉。又曰：周将处乎材不材之间。夫其不材，以尊生也；而其材者，特藉空文以自见。老子云：美言不信，生言美矣！其不信又已自道之。故以楛饰鞭策为伯乐罪，而撤髑髅未尝不用马捶，其死棺椁天地，而以墨子薄葬为大轂；心追容成大庭结绳无文字之世，而恒假至论以修心。此岂欲后之人行其言者哉！嫉时焉耳。是故君德天杀，轻用民死，刺暴主也。俗好道谀，严於亲而尊於君，愤浊世也。登元道之廷，口尧而心桀；出无道之野，貌夷而行跖，则又奚取夫空名之仁义！与无定之是非，其志已伤，其词过激，设易天下为有道，生殆将不出於此，后世浮慕之以成俗，此读生书者之咎，咎岂在书哉！余治此有年，领其要，得二语焉，曰：喜怒哀乐，不入于胸次。窃尝持此以为卫生之经，而果有益也。噫！是则吾师也，夫旧注备矣，辄芟取众长，间下己意，辑为八卷，命之曰集解。世有达者，冀共明之。

宣统元年七月。

目 录

卷一

- 逍遥游第一····· (1)
齐物论第二····· (8)
养生主第三····· (24)
人间世第四····· (27)

卷二

- 德充符第五····· (41)
大宗师第六····· (48)
应帝王第七····· (62)

卷三

- 骈拇第八····· (69)
马蹄第九····· (73)
胠箠第十····· (75)
在宥第十一····· (79)
天地第十二····· (88)

卷四

- 天道第十三····· (101)
天运第十四····· (109)
刻意第十五····· (118)
缮性第十六····· (120)
秋水第十七····· (123)

卷五

- 至乐第十八····· (134)
达生第十九····· (140)

山木第二十	(149)
田子方第二十一	(157)
卷六	
知北游第二十二	(166)
庚桑楚第二十三	(176)
徐无鬼第二十四	(188)
卷七	
则阳第二十五	(204)
外物第二十六	(214)
言寓第二十七	(221)
卷八	
让王第二十八	(227)
盗跖第二十九	(234)
说剑第三十	(242)
渔父第三十一	(244)
列御寇第三十二	(248)
天下第三十三	(256)

卷一

内篇 逍遥游第一^①

①言逍遥乎物外，任天而游无穷也。

北冥有鱼^①，其名为鲲^②。鲲之大，不知其几千里也。化而为鸟，其名为鹏。鹏之背，不知其几千里也；怒而飞，其翼若垂天之云。是鸟也，海运则将徙于南冥^③。南冥者，天池也^④。

①《释文》本一作溟，北海也。

②《释鱼》：鲲，鱼子。方以智云：鲲本小鱼，庄子用为大鱼之名。

③《玉篇》：运，行也。案：行于海上，故曰海运。下云水击，是也。

④成玄英云：大海洪川，原夫造化，非人所作，故曰天池。案：言物之大者，任天而游。

齐谐者，志怪者也^①。谐之言曰：鹏之徙于南冥也，水击三千里^②，搏扶摇而上者九万里^③。去以六月息者也^④。野马也^⑤，尘埃也^⑥，生物之以息相吹也^⑦。天之苍苍，其正色邪？其远而无所至极邪？其视下也，亦若是则已矣^⑧。

①司马彪云：齐谐，人姓名。简文云：书名。

②崔云：将飞举翼，击水踉跄。

③崔云：拊翼徘徊而上，《尔雅》：扶摇谓之颿。郭注：暴风从下上。

④成云：六月，半岁，至天池而息，引齐谐一证。

⑤司马云：野马，春月泽中游气也。成云：青春之时，阳气发动，遥望藪泽，犹如奔马，故谓之野马。

⑥成云：扬土曰尘，尘之细者曰埃。

⑦成云：天地之间，生物气息更相吹动。案：《汉书·扬雄传·注》：息，出入气也，言物之微者，亦任天而游入，此义见物无大小，皆任天而动，鹏下不言，于此点出。

⑧其谓鹏，是谓人，视天鸟在九万里上，率数约略如此，故曰则已矣，非谓遂止

也。借人视天，喻鹏视下，极言搏上之高。

且夫水之积也不厚，则其负大舟也无力。覆杯水於坳堂之上^①，则芥为之舟^②；置杯焉则胶^③，水浅而舟大也。风之积也不厚，则其负大翼也无力。故九万里，则风斯在下矣，而后乃今培风^④；背负青天而莫之夭阏者^⑤，而后乃今将图南^⑥。

①支遁云：谓堂有坳埳形也。

②李颐云：芥，小草。

③崔云：著地。

④王念孙曰：培，冯也。《周礼·冯相氏·注》：冯，乘也。鹏在风上，故言冯。培、冯声近义通。《汉书·周繇传》：繇封黜城侯。颜注：吕忱：黜，音陪。《楚汉春秋》作冯城侯，是培、冯音近之证。

⑤司马云：夭，折也；阏，止也，言无有折止，使不行者。

⑥谋向南行，借水喻风，唯力厚，故能负而行，明物非以息相吹不能游也。

蜩与学鸠笑之曰^①：“我决起而飞^②，枪榆枋^③，时则不至，而控於地而已矣^④。奚以之九万里而南为^⑤？”适莽苍者，三飡而反^⑥，腹犹果然；适百里者宿春粮^⑦，适千里者三月聚粮。之二虫^⑧又何知^⑨！

①《释文》：学，本又作鸞，本或作鸞，音预。司马云：学鸠，小鸠。俞樾云：《文选》江淹诗：鸞斯高下飞。李注引《庄子》此文说之，又引司马云：鸞鸠，小鸟。是司马注作鸞，不作鸞。

②李云：决，疾貌。

③支云：枪，突也。李云：犹集也。榆、枋，二木名，枋音方，李云：檀木。

④王念孙云：则，犹或也。司马云：控，投也。

⑤借蜩、鸠之笑为惠施写照。

⑥《释文》：苍，七荡反，或知字，崔云：草野之色。三飡，犹言竟日。

⑦隔宿捣米储食。

⑧谓蜩、鸠。

⑨借人为二虫设喻。

小知不及大知^①，小年不及大年^②。奚以知其然也？朝菌不知晦朔^③，惠蛄不知春秋，此小年也^④。楚之南有冥灵者，以五百岁为春，五百岁为秋；上古有大椿者，以八千岁为春，八千岁为秋^⑤，而彭祖乃今以久特闻^⑥，众人匹之^⑦，不亦悲乎^⑧！

- ①《释文》音智，本亦作智，下大知同。
- ②上语明显设喻，骈列以掩其迹。
- ③《列子·汤问篇》：朽壤之上有菌芝者，生于朝，死于晦。晦，谓夜，《释文》：朔，旦也。
- ④《释文》：惠本作螽。司马云：惠姑，寒蝉也，一名螽蛸，春生夏死，夏生秋死。
- ⑤楚之南下全引《列子·汤问篇》，楚，彼作荆。
- ⑥李云：彭祖名铿，尧封臣。彭城历虞、夏，至商，年七百岁，故以久寿见闻。
- ⑦言寿者必举彭祖为比。
- ⑧此段从小年句演出。

汤之问棘也是已^①：“穷发之北有冥海者，天池也。有鱼焉，其广数千里，未有知其修者，其名为鲲。有鸟焉，其名为鹏，背若泰山，翼若垂天之云^②，搏扶摇羊角而上者九万里^③，绝云气，负青天，然后图南，且适南冥也^④。斥鴳笑之曰^⑤：‘彼且奚适也^⑥？我腾跃而上，不过数仞而下，翱翔蓬蒿之间，此亦飞之至也。而彼且奚适也^⑦？’”此小大之辩也^⑧。

- ①《汤问篇》：殷汤问于夏革。张湛注：汤大夫。棘、革古同声通用。
- ②《汤问篇》：终发北之北有溟海者，天池也，有鱼焉，其广数千里，其长称焉，其名为鲲；有鸟焉，其名为鹏，翼若垂天之云，其体称焉。按：《列子》不言鲲化为鹏，又此下至而彼且奚适也，皆《列子》所无，而其文若相属为义，漆园引古，在有意无意之间，所谓沈洋自恣以适己者，此类是也。
- ③司马云：风曲上行若羊角。
- ④引《汤问》再证。
- ⑤司马云：斥，小泽；鴳，雀也。斥本作尺，古字通。夏侯湛：抵疑尺鴳，不能陵桑榆。《文选·七启·注》：鴳雀飞不过一尺，言其劣弱也。案：雀飞何止一尺，下文明言数仞矣！
- ⑥彼，鹏。
- ⑦又借斥鴳之笑为惠施写照。
- ⑧点明。

故夫知效一官，行比一乡^①，德合一君而征一国者^②，其自视也亦若此矣^③。而宋荣子犹然笑之^④。且举世誉之而不加劝，举世非之而不加沮^⑤，定乎内外之分^⑥，辨乎荣辱之境^⑦，斯已矣^⑧。彼其于世，未数数然也^⑨。虽然，犹有未树也^⑩。夫列子御风而行^⑪，泠然善也^⑫，旬有五日

而后反。彼于致福者，未数数然也^⑬。此虽免乎行，犹有所待者也^⑭。

①李云：比，合也。

②郭庆藩云：而读为能，能、而古字通用，官、乡、君、国相对，知、行、德、能亦相对。司马云：征，信也。

③此谓斥鴳，方说到人，暗指惠施一辈人。

④司马、李云：荣子，宋国人。崔云：贤者谓犹以为笑。

⑤郭象云：审自得也。

⑥郭云：内我而外物。

⑦郭云：荣己而辱人。

⑧成云：荣子智德止尽於斯。

⑨言不数数见如此者也。

⑩司马云：树，立也，至德未立。案：言宋荣子不足慕。

⑪成云：列御寇，郑人，与郑繻公同时。案：《列子·黄帝篇》：列子师老商氏，友伯高子，尽二子之道，乘风而归，下又云随风东西，犹木叶干壳，竟不知风乘我邪？我乘风乎！

⑫郭云：冷然，轻妙之貌。

⑬成云：致，得也，得食仙之；福，案：言得此福者，亦不数数见也。

⑭虽免步行，犹必待风，列子亦不足慕。

若夫乘天地之正，而御六气之辩^①，以游无穷者，彼且恶乎待哉^②！

①司马云：六气，阴、阳、风、雨、晦、明。郭庆藩云：辩，读为变，与正对文，辩、变古字通。

②无所待而游于无穷，方是《逍遥游》一篇纲要。

故曰，至人无己，神人无功，圣人无名。

①《释文》：己，音纪。成云：至言其体，神言其用，圣言其名，其实一也。案：不立功名，不以己与！故为独绝，此庄子自为说法，下又列四事以明之。

尧让天下于许由^①，曰：日月出矣，而燭火不息^②，其于光也，不亦难乎！时雨降矣，而犹浸灌，其于泽也，不亦劳乎！夫子立而天下治，而我犹尸之^③，吾自视缺然。请致天下。

①司马云：颍川阳城人。

②《字林》：燭，炬火也。

③成云：尸，主也。

许由曰：“子治天下，天下既已治也。而我犹代子，吾将为名乎？名者实之宾也。吾将为宾乎？鹪鹩巢于深林，不过一枝^①；偃鼠饮河，不过满腹^②。归休乎君，予无所用天下为！庖人虽不治庖，尸祝不越樽俎而代之矣^③。”

①李云：鹪鹩，小鸟。郭璞云：桄雀。

②李颐云：偃鼠，蹶鼠也。李桢云：偃，或作偃，俗作颺，《本草》陶注：一名鼯鼠，常穿耕地中行，讨掘即得。《说文·鼯下》云：地行鼠，伯劳所化也，李说误。

③《释文》：传鬼神言曰祝。案：引不受天下之许由为已写照，言非此不能独全其天。

肩吾问于连叔^①曰：“吾闻言于接舆^②，大而无当^③，往而不返。吾惊怖其言，犹河汉而无极也^④；大有迳庭^⑤，不近人情焉。”

①成云：并古之怀道者。

②《释文》：皇甫谧云：接舆躬耕，楚王遣使以黄金百镒、车二驷聘之，不应。

③《释文》：丁浪反。案：当，底也。

④成云：犹上天河汉，迢递清高，寻其源流，略无穷极。

⑤宣颖云：迳，门外路；庭，堂外地，大有，谓相远之甚。

连叔曰：“其言谓何哉？”

“曰：‘藐姑射之山^①，有神人居焉，肌肤若冰雪，淖约若处子^②；不食五谷，吸风饮露；乘云气，御飞龙，而游乎四海之外^③。其神凝^④，使物不疵疠而年谷熟^⑤。’吾是以狂而不信也^⑥。”

①《释文》：藐音邈。简文云：远也。姑射，山名，在北海中。

②李云：淖约，好貌。《释文》：处子，在室女。

③乘云气三句，又见《齐物论篇》，御飞龙，作骑日月。

④三字吃紧，非游物外者不能凝於神。

⑤司马云：疵，毁也；疠，音癩，恶病。《列子·黄帝篇》：姑射山在海中，山上有神人居焉，吸风饮露，不食五谷，心如湍泉，形如处女，不施不惠而物自足，不聚不敛而已无怨，阴阳常调，日月常明，四时常若，风雨常均，字育当时，年谷常丰，而土无札伤，人无天恶，物无疵疠，漆园本此为说。

⑥狂，李：又九况反。案：音读如逛，言以为逛。

连叔曰：“然！瞽者无以与乎文章之观，聋者无以与乎钟鼓之声。

岂惟形骸有聋盲哉？夫知亦有之。是其言也，犹时女也^①。之人也，之德也，将磅礴万物以为一，世蕲乎乱，孰弊弊焉以天下为事^②！之人也，物莫之伤，大浸稽天而不溺^③，大旱金石流、土山焦而不热。是其尘垢秕糠^④，将犹陶铸尧、舜者也，孰肯以物为事^⑤！”

- ①司马云：犹处女也。案：时，是也，云是其言也，犹是若处女者也，此人也，此德也云云，极拟议之词。
- ②李云：磅礴，犹旁礴。李桢云：亦作旁魄，广被意也，言其德行广被万物，以为一世求治，岂肯有劳天下之迹！老子曰：我无为而民自化。乱，治也。简文云：弊弊，经营貌。案：蕲，同期。
- ③司马云：稽，至也。
- ④《说文》：秕作秕。《释文》：秕穰，犹繁碎。案：言于烦碎之事物，直以尘垢视之。
- ⑤又引不以天下为事之神人，以明其自全之道。

宋人资章甫适诸越^①，越人短发文身，无所用之^②。尧治天下之民，平海内之政，往见四子藐姑射之山^③，汾水之阳，窅然丧其天下焉^④。

- ①李云：资，货也；章甫，殷冠也。以冠为货。司马云：诸，于也。
- ②为无所用天下设喻。
- ③司马、李云：四子，王倪、啮缺、被衣、许由。李桢云：四子本无其人，征名以实之则凿矣！
- ④汾水之阳，尧都。宣云：窅然，深远貌。案：言尧亦自失其有天下之尊，下此更不足言矣。

惠子谓庄子曰^①：魏王贻我大瓠之种^②，我树之成而实五石，以盛水浆，其坚不能自举也^③；剖之以为瓢，则瓠落无所容^④。非不鸣然大也^⑤，吾为其无用而掊之。

- ①司马云：姓惠名施，为梁相。
- ②瓠，瓜也，即今葫芦瓜。
- ③成云：树，植；实，子也。虚脆不坚，故不能自胜举。
- ④简文云：瓠落，犹廓落也。成云：平浅不容多物。
- ⑤《释文》：鸣，本亦作号。李云：虚大貌。俞樾云：鸣，俗字，当作枵，虚也。

庄子曰：“夫子固拙于用大矣。宋人有善为不龟手之药者^①，世世

以汧游统为事^②。客闻之，请买其方百金^③。聚族而谋曰：‘我世为汧游统，不过数金；今一朝而鬻技百金，请与之。’客得之，以说吴王。越有难，吴王使之将，冬与越人水战，大败越人，裂地而封之。能不龟手，一也；或以封，或不免於汧游统，则所用之异也。今子有五石之瓠，何不虑以为大樽而浮于江湖^④，而忧其瓠落无所容，则夫子犹有蓬之心也夫^⑤！

①向秀云：龟，拘圻也。《释文》：徐音举伦反。李桢云：此以龟为鞞之假借。玄应《音义》：鞞下引《通俗文》：手足圻裂曰鞞，经文或作龟，圻下引此文为证。

②成云：汧，浮；游，漂；统，絮也。李云：漂絮水上。卢文弨云：汧游，击絮之声。

③李云：金方寸重一斤为一金，百金，百斤也。

④司马云：虑，犹结缀也。樽如酒器，缚之于身，浮于江湖，可以自渡。案：所谓腰舟。

⑤向云：蓬者，短不畅，曲士之谓。案：言惠施以有用为无用，不得用之道也。

惠子曰：“吾有大树，人谓之樗。其大本拥肿而不中绳墨，其小枝卷曲而不中规矩，立之涂，匠者不顾。今子之言，大而无用，众所同去也^①。”

①犹言弃而不取。

庄子曰：“子独不见狸狌乎^①？卑身而伏，以候敖者^②；东西跳梁^③，不辟高下^④；中于机辟^⑤，死于网罟，今夫斄牛^⑥，其大若垂天之云^⑦。此能为大矣，而不能执鼠。今子有大树，患其无用，何不树之于无何有之乡，广莫之野^⑧，彷徨乎无为其侧^⑨，逍遥乎寝卧其下^⑩。不夭斤斧，物无害者，无所可用^⑪，安所困苦哉^⑫！”

①成云：狌，野猫。

②司马云：遨翔之物，鸡鼠之属。

③成云：跳梁，犹走掷。

④辟，音避。

⑤辟，所以陷物。《盐铁论·刑法篇》：辟陷设而当其蹊。与此同义。亦作臂。

《楚词·哀时命篇》：外迫胁于机臂兮。机臂即机辟也。《玉篇》王注，以为弩身。

⑥司马云：斄牛。

⑦成云：山中远望，如天际之云。

⑧简文云：莫，大也。

⑨《释文》：彷徨，犹翱翔。

⑩郭庆藩云：逍遥，依《说文》，当作消摇。又引王皙夜云：消摇者，调畅悦豫之意。

⑪言无处可用之。《人间世篇》：是不材之木也，无所可用。又云：予求无所可用久矣。又《山木篇》：无所可用。文意并与此同。

⑫又言：狸狌之不得其死，螾牛之大而无用，不如樗树之善全，以晓惠施。盖惠施用世，庄子逃世，惠以庄言为无用，不知庄之游于无穷，所谓大知小知之异也。

内篇 齐物论第二^①

①天下之物之言，皆可齐一视之，不必致辩守道而已。苏舆云：天下之至纷，莫如物，论是非，太明足以累心，故视天下之言，如天籁之旋怒旋已，如鼗音之自然而一，无与于我，然后忘彼是浑成，毁乎尊卑，均物我，外形骸，遗生死，求其真宰，照以本明，游心于无穷，皆庄生最微之思理。然其为书，辩多而情激，岂真忘是非者哉！不过空存其理而已。

南郭子綦隐机而坐^①，仰天而嘘，荅焉似丧其耦^②。颜成子游立侍乎前^③，曰：“何居乎^④？形固可使如槁木，而心固可使如死灰乎^⑤？今之隐机者，非昔之隐机者也。”

①司马云：居南郭，因为号。《释文》：隐，冯也。李本，机作几。案：事又见《徐无鬼篇》。郭作伯，机作几。

②向云：嘘，息也。《释文》：荅，解体貌，本又作嗒。耦，本亦作偶。俞云：偶，当读为寓，寄也。即下文所谓吾丧我也。案：《徐无鬼篇》嘘下无此句。

③李云：子綦，弟子，姓颜，名偃，谥成，字游。案：《徐无鬼篇》作颜成子入见。

④《徐无鬼篇》作夫子物之尤也。

⑤《文子·道原篇》引《老子》曰：形若槁木，心若死灰。《徐无鬼篇》与此二句同。木作骸，《知北游篇》：形若槁骸，心若死灰。《庚桑楚篇》亦有二句，槁骸作槁木之枝。《达生篇》亦云：吾执臂也，若槁木之枝。是此槁木，即槁木之枝，槁骸，亦槁枝也，以下异。

子綦曰：“偃，不亦善乎，而问之也^①！今者吾丧我，汝知之乎？汝闻人籁而未闻地籁，女闻地籁而未闻天籁夫^②！”

①而同尔。

②郭云：籁，箫也。

子游曰：“敢问其方^①。”

①成云：方，术也。

子綦曰：“夫大块噫气^①，其名为风。是唯无作，作则万窍怒号。而独不闻之蓼蓼乎^②？山林之畏佳^③，大木百围之窍穴，似鼻，似口，似耳，似枅，似圈，似臼，似洼者，似污者^④，激者，謦者，叱者，吸者，叫者，譟者，突者，咬者^⑤。前者唱于，而随者唱喁^⑥。冷风得小和，飘风则大和^⑦，厉风济则众窍为虚^⑧。而独不见之调调之刁刁乎^⑨？”

①俞云：块，曰或体，大块。成云：噫而出气。

②之犹其，下同。《释文》：蓼蓼，长风声，李本作颯。

③即岷崔，犹崔巍。

④《字林》云：枅，柱上方木。成云：圈，兽之阑圈。宣云：洼，深池。污，窟也。三象身，三象物，二象地，皆状木之窍形。

⑤宣云：激，如水激声。謦，如箭去声。叱出而声粗，吸入而声细，叫高而声扬，譟下而声浊，突深而声留，咬鸣而声清，皆状窍声。《释文》：謦音孝。司马云：譟，哭声。案：交交黄鸟，三家诗作咬咬。

⑥李云：于、唱，声之相和。成云：皆风吹树动，前后相随之声。

⑦李云：冷，小风也。《尔雅》：回风为飘。和，明卧反。

⑧向云：厉，烈也。济，止也。风止则万窍寂然。

⑨郭云：调调、刁刁，皆动摇貌。

子游曰：“地籁则众窍是已，人籁则比竹是已^①。敢问天籁。”

①以竹相比而吹之。

子綦曰：“夫吹万不同而使其自己也，咸其自取，怒者其谁邪^①！”

①宣云：待风鸣者，地籁而风之；使窍自鸣者，即天籁也。引子綦言毕。案：此文以吹引言，风所吹，万有不同，而使之鸣者，仍使其自止也。且每窍各成一声，是鸣者仍皆其自取也。然则万窍怒号，有使之怒者，而怒者果谁邪！悟其为谁，则众声之鸣，皆不能无所待而成形者，更可知矣，又何所谓得丧乎！怒者其谁！使人言下，自领下文，所谓真君也。

大知闲闲，小知间间^①，大言炎炎，小言詹詹^②。其寐也魂交，其觉